


## Penubuhan Dewan Latehan RIDA



Pada 11 Januari 1951, Dato Onn Ja'afar, Pengerusi pertama Lembaga Kemajuan Kampung dan Perusahaan (RIDA) bersama Dato Abdul Razak, Ahli Majlis Perundangan Persekutuan Tanah Melayu telah berlepas dari Lapangan Terbang Kallang, Singapura ke Ceylon, Colombo (sekarang Sri Lanka). Lawatan sambil belajar selama 9 hari ini bertujuan untuk mengkaji Program Pembangunan Luar Bandar di negara tersebut. Ekoran dari lawatan itu, satu kertas kerja (Paper No. 10 of 1951) telah dibentangkan kepada Majlis Lembaga Persekutuan. Kandungan kertas kerja tersebut telah mengasaskan penubuhan Lembaga Kemajuan Kampung dan Perusahaan atau lebih dikenali dengan RIDA (Rural Industrial Development Authority). Majlis Perundangan Persekutuan Tanah Melayu telah meluluskan "*Federation of Malaya No 48 of 1953, The Rural And Industrial Development Authority Ordinance, 1953*."

Ordinan ini telah digubal pada 1953 dan berkuatkuasa pada 1 Januari 1954. Kewajipan RIDA seperti yang dinyatakan dalam Seksyen 4, Sub-seksyen 1 ordinan ini, adalah menjadi kewajipan pihak berkuasa untuk merangsang, memudahkan dan mengusahakan pembangunan ekonomi dan sosial dalam Persekutuan dan lebih khusus lagi di kawasan luar bandar. Sebelum penubuhan Dewan Latehan RIDA lagi, Rural Industrial Development Authority (RIDA) telah menaja 23 orang pelajar yang terpilih mengikuti kursus persediaan bagi menduduki peperiksaan London Chamber of Commerce (LCC) Intermediate Examination di Institut Goon, Kuala Lumpur.

Sumber :  
*Documenting A Destiny (1956-2006)*  
*Shaping a Dream (1956-1999)*